



GARIS PANDUAN SKIM ZAMALAH PENYELIDIKAN (BANTUAN YURAN PENGAJIAN SAHAJA)

1.0 LATAR BELAKANG

- 1.1 Melalui minit mesyuarat Jawatankuasa Penyelidikan dan Penerbitan Bil.2/2020 bertarikh 11 Mac 2020 dan juga petikan minit mesyuarat Senat ke-466 bertarikh 17 Jun 2020, Universiti telah bersetuju bahawa tadbir urus Skim Zamalah Penyelidikan akan dilaksanakan dan diuruskan oleh Pusat Siswazah di bawah Unit Anugerah dan Biasiswa. Selepas penggabungan Pusat Siswazah di bawah Pusat Pengurusan Akademik (AKADEMIK UKM) pada 1 Ogos 2022, tadbir urus Skim Zamalah Universiti Penyelidikan kini dikendalikan oleh AKADEMIK UKM di bawah Unit Kompetensi Siswazah dan Promosi.
- 1.2 Memandangkan Skim Zamalah Penyelidikan ini di bawah dana Universiti Penyelidikan, AKADEMIK UKM perlu memohon peruntukan kewangan daripada pihak Pusat Pengurusan Penyelidikan dan Instrumentasi (CRIM).
- 1.3 AKADEMIK UKM akan menguruskan penawaran Skim Zamalah Penyelidikan ini pada setiap semester pengajian tertakluk kepada kelulusan peruntukan kewangan daripada CRIM.

2.0 OBJEKTIF

- 2.1 Untuk menarik calon warganegara dan bukan warganegara yang berminat untuk mengikuti pengajian pascasiswazah secara mod penyelidikan di UKM dengan pembiayaan yuran semester pertama pengajian dan/atau pembiayaan bagi semester kedua pengajian (pelanjutan pembiayaan adalah tertakluk kepada prestasi pelajar).
- 2.2 Untuk mengukuh dan meningkatkan output penyelidikan di UKM melalui peningkatan pengambilan pelajar pascasiswazah (mod penyelidikan) tempatan dan antarabangsa yang cemerlang serta meningkatkan bilangan penerbitan jurnal.

3.0 SYARAT PELANTIKAN

3.1 Syarat Umum

- 3.1.1 Calon **telah menerima surat tawaran kemasukan daripada UKM** bagi pengajian Sarjana atau Doktor Falsafah melalui mod penyelidikan secara sepenuh masa;
- 3.1.2 Permohonan baharu hanya terbuka kepada calon **yang belum mendaftar**

ATAU **berada dalam semester pertama atau kedua** pengajian adalah layak untuk memohon.

- 3.1.3 Permohonan hanya untuk pelajar yang mengikuti pengajian secara **sempuh masa sahaja**;
- 3.1.4 Pemohon mesti mempunyai cadangan penyelidikan yang diperaku oleh penyelia;
- 3.1.5 Pelantikan adalah terbatal secara automatik sekiranya didapati calon **menangguhkan/ditamatkan pengajian/menerima sebarang bentuk biasiswa atau sokongan kewangan** yang tidak dinyatakan semasa permohonan. Walau bagaimanapun bagi calon yang menangguhkan pengajian, pertimbangan penangguhan untuk Skim Zamalah Penyelidikan ini boleh diberikan tertakluk kepada pertimbangan yang dibuat oleh Pusat Pengurusan Akademik;
- 3.1.6 Pemohon tidak menerima sebarang bentuk biasiswa atau sokongan kewangan lain dan tidak terlibat dalam sebarang jenis pekerjaan sama ada bergaji atau tidak. Walau bagaimanapun, penajaan atau biasiswa yang tidak berkaitan dengan yuran pengajian adalah boleh dipertimbangkan oleh panel dan jawatankuasa penilai.

3.2 Syarat Permohonan Mengikut Peringkat Pengajian Calon

3.2.1 Pengajian Sarjana

- a. Terbuka kepada calon Warganegara sahaja;
- b. Memperoleh keputusan yang baik (PNGK \geq 3.00) dalam pengajian peringkat ijazah sarjana muda ATAU kelayakan yang diiktiraf setaraf dengannya oleh Kerajaan Malaysia;
- c. Calon yang mempunyai rekod penerbitan artikel dalam jurnal dan/atau prosiding akan diberikan keutamaan untuk dipertimbangkan.

3.2.2 Pengajian Doktor Falsafah

- a. Terbuka kepada calon Warganegara dan Bukan Warganegara;
- b. Lulus pengajian peringkat sarjana secara mod penyelidikan dengan Rekod Penerbitan:
 - i. Calon dari bidang Sains, Teknologi dan Kesihatan telah mempunyai sekurang-kurangnya satu (1) hasil penerbitan dalam jurnal yang terindeks WoS/SCOPUS/ERA dalam tempoh 5 tahun kebelakang.
 - ii. Calon dari bidang Sains Sosial telah mempunyai sekurang-kurangnya satu (1) hasil penerbitan dalam jurnal yang terindeks WoS/SCOPUS/ERA dalam tempoh 5 tahun kebelakang.

- c. Memperoleh keputusan yang baik (PNGK \geq 3.50) dalam pengajian Sarjana secara kerja kursus / mod campuran ATAU kelayakan yang setaraf dengannya yang diiktiraf oleh Kerajaan Malaysia. Keutamaan akan diberikan kepada calon dengan Rekod Penerbitan:
- i. Calon dari bidang Sains, Teknologi dan Kesihatan telah mempunyai sekurang-kurangnya satu (1) hasil penerbitan dalam mana-mana penerbitan yang terindeks oleh WoS/SCOPUS/ERA dalam tempoh 5 tahun kebelakang.
 - ii. Calon dari bidang Sains Sosial telah mempunyai sekurang-kurangnya satu (1) hasil penerbitan dalam mana-mana penerbitan yang terindeks oleh WoS/SCOPUS/ERA dalam tempoh 5 tahun kebelakang.

3.3 Syarat Untuk Penyelia

- 3.3.1 Penyelia mesti merupakan kakitangan akademik yang aktif mengikut definisi glosari MyRA®;
- 3.3.2 Penyelia perlulah menjadi **ketua/ahli projek** bagi sekurang-kurangnya satu (1) projek penyelidikan aktif (tempoh projek mesti sekurang-kurangnya 6 bulan dari tarikh permohonan) dan mempunyai dana yang mencukupi bagi menyokong penyelidikan calon sepanjang tempoh penerimaan Skim Zamalah Universiti ini;
- 3.3.3 Rekod Penerbitan:
- a. Penyelia dari bidang Sains Teknologi perlulah sekurang-kurangnya mempunyai dua (2) penerbitan dalam jurnal terindeks (WoS/SCOPUS/ERA) sebagai penulis utama atau penulis koresponding dalam tempoh satu (1) tahun sebelumnya.
 - b. Penyelia dari bidang Sains Sosial perlulah sekurang-kurangnya mempunyai satu (1) penerbitan dalam jurnal terindeks (WoS/SCOPUS/ERA) sebagai penulis utama atau penulis koresponding dalam tempoh satu (1) tahun sebelumnya.

4.0 KAEDAH PEMBIAYAAN

- 4.1 Pembiayaan Skim Zamalah Penyelidikan ini adalah menggunakan dana Universiti Penyelidikan;
- 4.2 Sokongan kewangan ini akan diberikan kepada pelajar berdasarkan semester pengajian mengikut kalendar akademik UKM;
- 4.3 Pelajar yang layak dipertimbangkan akan menerima **bantuan yuran pendaftaran dan yuran pengajian semester pertama dan/atau semester kedua sahaja**. Semua pelajar termasuk bukan warganegara perlu mempunyai akaun bank Malaysia (**CIMB Bank**

Berhad) bagi tujuan pemulangan semula yuran pengajian ini;

- 4.4 Penerima Skim Zamalah Penyelidikan perlu memajukan laporan prestasi penyelidikan sekurang- kurangnya satu (1) bulan sebelum semester baharu bermula mengikut format yang ditetapkan;
- 4.5 Pertimbangan dan perakuan untuk pelanjutan bagi semester seterusnya akan dibuat berdasarkan prestasi penyelidikan pelajar dan tertakluk kepada kecukupan baki peruntukan.

5.0 PROSEDUR PERMOHONAN

5.1 Permohonan Baru

- 5.1.1 **Calon yang belum mendaftar ATAU berada dalam semester pertama dan kedua** pengajian adalah layak untuk memohon;
- 5.1.2 Pemohon perlu melengkapkan borang permohonan dengan mengemukakan dokumen sokongan seperti dalam senarai semak:
- 5.1.3 Pemohon perlu mendapatkan perakuan Penyelia yang dicadangkan;
- 5.1.4 Cadangan penyelidikan (maksimum 5 muka surat) perlu merangkumi perkara seperti berikut:
 - a. Tajuk Penyelidikan / Research Title
 - b. Ringkasan Eksekutif / Executive Summary
 - c. Latar Belakang Penyelidikan / Background of Research
 - d. Metodologi Kajian / Research Methodology
 - e. Jangkaan Output / Expected Output
 - f. Lampiran Carta Perbatuan / Milestone

5.2 Permohonan Lanjutan

- 5.2.1 Penerima Skim Zamalah Penyelidikan pada semester terdahulu (berada dalam semester pertama) boleh memajukan permohonan pelanjutan dengan mengemukakan Laporan Prestasi kepada Pusat Pengurusan Akademik;
- 5.2.2 Pelajar yang berjaya menerima Skim Zamalah Penyelidikan pada semester pertama, pelanjutan pada semester seterusnya adalah tertakluk kepada peruntukan semasa universiti;
- 5.2.3 Semua penerbitan yang telah dihantar, diterima dan diterbitkan wajib didaftarkan dalam sistem e-Repository oleh kakitangan akademik UKM. Pendaftaran penerbitan di e-Repository tersebut perlu disertakan dalam permohonan pelanjutan sebagai pembuktian.

6.0 KRITERIA PENILAIAN

6.1 Penilaian akan dibuat melalui bengkel Penilaian oleh Jawatankuasa Penilai yang dilantik;

6.2 Kriteria yang dinilai adalah termasuk:

6.2.1 Permohonan Baru

- a. Kelayakan Akademik Pemohon
- b. Syarat kelayakan Penyelia – Status, Penerbitan, Projek Penyelidikan
- c. Rekod Penerbitan Pemohon
- d. Potensi menghasilkan penerbitan
- e. Cadangan penyelidikan

6.2.2 Permohonan Lanjutan

- a. Pencapaian penerbitan pemohon.

7.0 PENCAPAIAN PENERBITAN DALAM TEMPOH LANTIKAN

7.1 Pencapaian penerbitan yang perlu dicapai dalam tempoh lantikan adalah seperti berikut:

KPI	Sarjana	Doktor Falsafah
KPI 6 bulan pertama/ Semester 1	Sekurang – kurangnya satu (1) naskah DIHANTAR ke jurnal terindeks (WoS/SCOPUS/ERA)	Sekurang – kurangnya satu (1) naskah DIHANTAR ke jurnal terindeks (WoS/SCOPUS)
KPI 6 bulan kedua/ Semester 2	Sekurang – kurangnya satu (1) naskah DITERIMA untuk diterbitkan di dalam jurnal terindeks (WoS/SCOPUS/ERA)	Sekurang – kurangnya satu (1) naskah DITERIMA untuk diterbitkan di dalam jurnal terindeks (WoS/SCOPUS)

8.0 PENERIMAAN TAWARAN

Calon yang menerima tawaran dikehendaki menandatangani **Surat Akuan Penerimaan Tawaran Skim Zamalah Penyelidikan** dan mengembalikan kepada Pusat Pengurusan Akademik dalam tempoh empat belas (14) hari dari tarikh surat tawaran.

9.0 TARIKH KUATKUASA

Garis Panduan ini telah disemak dan diluluskan oleh Pusat Pengurusan Akademik dan berkuatkuasa mulai 1 Februari 2023.

Disediakan oleh
Unit Kompetensi Siswazah dan Promosi
Pusat Pengurusan Akademik UKM
10 Januari 2023